

## "أزمة أخ" .. اللقاء ) 10 ( .. د. حازم شومان

حازم شومان

الدكتور حازم سليمان السلام عليكم ورحمة الله وبركاته. ما شاء الله لا قوة الا بالله. السلام عليكم ورحمة الله وبركاته. ازيكم يا اخوانى عاملين ايه ازيك يا اخوانى منك له. اخباركم ايه؟ الحمد لله وكفى وصلاة وسلاما على عباده الذين اصطفى. اللهم لك الحمد كله ولك

الملك كله - 00:00:00

وبيدك الخير كله واليک يرجع الامر كله. هو فيه ناس خافت ولا ايه يا جماعة احنا بنهزز معكم ما تقلقوش يعني. آللهم صل على عبدك بك يا محمد صلى الله عليه وسلم في الاولين والآخرين وفي كل وقت وحين. اما بعد. اخوانى واحبابى في الله. يعني الرحمة معنى عظيم جدا في دين ربنا سبحانه وتعالى - 00:00:30

الرحمة عشان كده ربنا سبحانه وتعالى هو بيتكلم على الخاضر فبيقول اتيناه فوجد عبدا من عبادنا اتيناه رحمة من عندنا وعلمناه من لدن علما. فربنا جاب الرحمة قبل العلم. قال لك لأن العلم لو جه من غير رحمة هيبقى عذاب على الناس. ده حرام وده بدعة وده طب ماشي - 00:00:50

طب نبدأ بس ندخل للناس كده الاول نبدأ نلاقي قلوب الناس الاول لأ ما فيش الكلام ده خالص. فقال لك الرحمة لما تيجي قبل العلم العلم بيبقى رحمة على الناس. انما لما - 00:01:10

علم بس من غير رحمة بتبقى يعني مجرد احكام وخلاص. عشان كده ربنا سبحانه وتعالى بيقول فاما اليتيم فلا تقهير. واما السائل فلا تنهر واما بنعمة ربك فحدث. بنعمة ربك فحدث حدث. اتكلم مع الناس في الدعوة. ادعوا الناس الى الله. قبلها اما اليتيم فلا تقهير ارحم - 00:01:20

عندك رحمة مع كل محتاج وكل فقير وكل يتيم. بيبقى الرحمة قبل الدعوة في سورة الضحى. والرحمة قبل العلم في سورة الكهف في قصة موسى والخضر الرحمة يا جماعة معنى عظيم اواني ان ربنا يملا قلوبنا رحمة على بعض. ان احنا نبقى انت واقف بتصلني وقادع تدعى لاخوك. تبقى مشغول نبقى مشغولين - 00:01:40

عشان كده عملنا السلسلة بتاعتتنا اللي مضافة على سلسلة الاسطورة اللي هي بعنوان ايه؟ ازمة اخ. اللي بعنوان ازمة اخ. يعني ايه ازمة كثير من الملتزمين بيعانونا طبعا احنا مستمرین في الاسطورة. ولكن دي اول مرة هنتكلم مع بعض في ازمة اخ. هنقف المرة دي ان شاء الله مع هزه السلسلة. وبعد كده بازن الله - 00:02:00

الله سبحانه وتعالى هيبقى ايه؟ اللاتين ماشيين مع بعض في نفس الوقت بازن الله سبحانه وتعالى. ازمة اخ ان فيه ناس مننا عندهم ازمات. ان في ناس عايزة توصل لربنا ومش - 00:02:20

متى توصل لربنا والله سبحانه وتعالى يقول قال هذا صراط علي مستقيم. يعني ايه علي هنا علي؟ يعني وعد. يعني ربنا بيوعدك لو انت صادق. لو انت عايزة توصل لربنا. لو انت فعلًا نفسك ترضي ربنا. ربنا بيوعدك انه هيمهد لك الطريق - 00:02:30

ربنا بيوعدك انه هينورها لك. مش هزا صراط ايه؟ علي الله يعد من اراد ان يصل اليه ان هو هينور له الطريق وهيمهد له. انت عايزة توصل لربنا بجد؟ الصادق ربنا هيوصله. الصادق ربنا هيفتح له. عشان كده يا اخوانى - 00:02:50 الكبيرة جدا ممكن يكون حلها بسيط. يعني ايام ما كنا طلبة في الجامعة كان ممكنا الواحد يقعد سنة. في مشكلة محبط بسببها مهموم بسببها متعدب بسببها وهي يعني بعد كده تقول سبحان الله! يعني كان حلاق بسيط. انما كان الواحد يحتاج ان حد من اخوانه او حد

من الاكبر منه - 00:03:10

اللي عانى من المشكلة ديت ان هو ياخد بايديه. ناخد بایدين بعض. نقى عمليين نقى ايجابيين. ايجابيين في التعامل مع مشاكل بعض ما تشوفش الهم في عيون بعض ونسكت. طبعا يا اخوانى في الله عشان نوصل لربنا لازم تعرف العاقيل اللي بتقابلك في الطريق دي تتعامل معها ازاى ؟ انا راكب عربية - 00:03:30

وماشي على الطريق الطريق عليه مطبات. اي طريق عليه مطبات. لو انا كل مطب مطب قمت واقف عنده هاعرف اوصل. عمرى ما هاوصل. انما المفروض ان المطب تهدى وتكمل كثير مننا لما قابلوا مطبات في الطريق اللي ربنا وقف. لما قابلوا مشكلة في بيته مع اهله. اشتغل معهم في الدعوة - 00:03:50

ونفروا منه واتقفلوا منه وحس ان هو محبط كل ما يدخل لقى التليفزيون مفتوح على القنوات عجيبة يلاقي اخته يتكلم في التليفون بطريقه اه ممكن مستفزة او اخوه مسلا اه قاعد على النت قدام موقع قلبه بيقطع او مسلا غيبة ونميمة في البيت او تدرج قلبه بيقطع ومش عارف - 00:04:10

بتعمل ايه ؟ مش قادر يغير في المجتمع من حواليه ينزل الكلية بتاعتة. الدنيا كلها ماشية في اتجاه ممكن يكون معظمها بعيد عن ربنا. مش عارف يقف وسط اصحابه عايز ياخد مقود الحديس يخليه في الدين. مش عارف يغير يركب في التاكسي ولا في الميكروباص. الاغاني شغالة مش عارف يعمل ايه. طب يكلم ازاى - 00:04:30

السوق طب يصطدم به طب يقول له كلمتين طب بيعت له مطوية طب يكلم اللي جنبه طب يفتح المصحف طب يحط السمعاء في ودانه وخلاص بقى اللي عايز اسمع يسمع واللي عايز يقول واللي عايز ببعد عن ربنا ببعد المهم ان انا انجو طب ينزل طب لو نزل يقف في الشارع وممكن ما يلاقيش مواصلة تانية طب يعمل ايه - 00:04:50

احباط. احباط المجتمع اللي احنا عايشين فيه. عاد نسبة المعصية فيه عالية. الناس جوة قلوبها خير كبير جدا. الناس جوة قلوبها يا اخوانا اللي يعني جولات على طول كل ما ترجع من جولة تحس ان الدنيا بتتفجر بالخير. وان الناس من برة ممكن يكون شكل بعضهم صعب. ولكن - 00:05:10

الناس مليانة خير من جواها. طب نخرج الخير ده ازاى ؟ طب ازاى ؟ نعرف الناس الطريق. ازاى ناخد بایديهم ؟ ومنين ياخد بایديينا ؟ يمشي في الشارع يلاقي ولد واقف مع بنت طب يكلمهم ازاى ؟ طب افرض كسفني. طب اعمل ايه ؟ طب افرض جيت اكلمه انا نفسى بصيت نزرة غصب عنى انا اصبت في قلبي بفتنة - 00:05:30

وانا او شهوة معينة وهكذا. طب فيه معصية سر ؟ طب انا بنى ادم جوة قلبي حب دنيا. جوة قلبي شهوات. طب اجمع ازاى بين الدين والدراسة ؟ ازاى اتوازن طب انا عايز اطلب علم وعايز احفز قرآن. وعايز ادعوا الى الله وعايز اتعلم دعوة. وعايز اقوم الليل وعايز في نفس الوقت اشوف دنيتي. طب ازاى الكلام ده ؟ الكوكتيل - 00:05:50

ده بيجي مع بعضه ازاى ؟ ازاى ربنا يصلح لي حياتي كلها ؟ التوازن النفسي عند الملائم. ازاى نقى مثمرین في حياتنا ؟ ازاى ناخد بایدين بعض هي ديت قصة ازمة اخ. ازاى ان احنا كل مرة نتناول مع بعض مشكلة او مشكلتين ناخد بایدين بعض فيها. عشان التربية يا جماعة. عشان نوصل - 00:06:10

عشان نساعد بعض في الطريق لربنا الفيلا الكبيرة مفتاح الباب بتاعها قد عقلتين صايع. ممكن المشكلة الكبيرة اللي مبهلة لك حياتك ممكن يكون حلها بسيط جدا. بس لو لقيت حد صادق ياخد بایديك. ازاى ننقل خبراتنا لبعض ؟ ازاى نوفر عمر بعض ؟ ازاى اللي واجه مشكلة - 00:06:30

ينقل لك وبعض اخواننا عملوا على التليجرام جروب كده فيها ما شاء الله يعني عدد ضخم من من يعني من الناس يعني فكرة الجروب كلها فكرة واحدة بس. ان اللي عنده مشكلة يعرضها وكله يتشاور مع بعضه. في حل مشكلة بعض حيس ان احنا ناخد بایدين بعض الى الله. تعالوا كده اما نفتح - 00:06:50

بمناسبة اخ وقلنا يا اخواننا ان الصندوق ده موجود في المسجد. المرة اللي فاتت كل واحد عنده مشكلة في آآ يعني في طريقه الى الله

سبحانه وتعالى يعني ايه يكتب المشكلة في ورقة ويفتح الصندوق يحط الورقة فيه. وان شاء الله بازن الله كل مرة تاخد مشكلة او اتنين نتناولهم مع بعض. ولما تلاقيني رديت - 00:07:10

مشكلة اخوك مشكلتك تعمل ايه ؟ تفرح. تفرح من باب الايثار. هل يجوز الايثار في الدين ؟ ولا لا تؤثر احدا بحظك من الله ؟ هل يجوز الايثار في الدنيا ولا الكلام ده كلام اي كلام ؟ ما ينفعش - 00:07:30

انتم خايفين كده ليه ؟ ما تتكلم يا عم الفكرة ازمة اخ ان احنا نتكلم مع بعض يا جماعة. انا لو لا خايف بس كده كنت قلت لكم لما اقول مشكلة انا عايز اسمع الاول انت ردودكم - 00:07:43

وايه لاخوكم قبل ما انا اتكلم. انا عايز اسمع الاول انت انت ردى ايه لاخوك ؟ انت المشكلة دي المفروض انها مشكلتك. غير ان مشاكلنا كلها متكررة فمشكلة زيد هي مشكلة عبيد هي مشكلة آآفلان. هي مشكلة علان. هي المشاكل واحدة. فانت لما بتسمع مشكلة انت احيانا - 00:07:53

المشكلة دي عندك بس انت احبطت من علاجها قبل كده. وانت مش واحد بالك منها. فاحنا ربنا بيجبنا بعض. عارفين قول الله سبحانه وتعالى محمد رسول الله والذين معه اشداء على الكفار والرحماء بينهم تراهم ركعا سجدا. فبعض المفسرين قال لك والذين معد ابو بكر الصديق ما كانش بيسيبه ابدا - 00:08:13

اشداء على الكفار قال لك ده عمر ابن الخطاب كان قوي جدا في في البراء. رحماء بينهم قال لك ده عثمان بن عفان رمز الاخوة. اما نيجي نتكلم عن الاسطورة في الاخوة بازن الله - 00:08:33

لازم نتكلم عن عثمان ابن عفان بازن الله تراهم ركعا سجادة قال لك ده علي ابن ابي طالب. يعني اسطورة العبادة وسط اصحاب النبي عليه الصلاة والسلام. فقال لك يبقى اذا الصورة المبهرة العظيمة - 00:08:43

اللي ربنا زكرها في اخر سورة الفتح اللي هي كان اخر اية في سورة الفتح ربنا بيقول لك انا فتحت على دول ليه ؟ سبب الفتح على الجيل ده ليه ؟ لو انت - 00:08:57

انتم عايزين اللي في المسجد دول ربنا يفتح على ايدينا. لو احنا عايزين ربنا يفتح قلوب الشباب والبنات على ايدينا. لو احنا عايزين ربنا يفتح قلوب المجتمع لنا. ربنا بيفتح - 00:09:07

مين اللي ربنا بيفتح له ابواب القلوب ؟ مين اللي ربنا بيفتح له في الواقع ؟ مين اللي ربنا بيفتح له ابواب الاستعمال ؟ فتح الله بيجي منين فتحت اخر اية في سورة الفتح تقول لك الفتح بييجي ليه ؟ فتفاجئ ان الفتح ما كانش كل الصفات دي في كل واحد. لأن ده كل حته من دي في واحد - 00:09:17

والمجموع مع بعضه كون فتح. يعني انا لو انا عايز ربنا يفتح علي انا عايز احقق مجموعة من الصفات شبه مستحيل ان واحد لوحده. انما لو احنا مع بعض ربنا بيعاملنا كان احنا كيان واحد. فلو انت فيك صفة وانا في صفة وانت فيك صفة وانت فيك صفة - 00:09:37

من صفات الفتح دول على بعض يبقى انت تستاهلو الفتح. طب لو انت لوحدك لازم الصفات دي تبقى كلها فيك. عشان تبقى انت تستاهل الفتح. واحد بالك بيوف عليك قد ايه ؟ اخوك بيبقى سبب لفتح ربنا لفتح ربنا معك قد ايه ؟ واحدين بالكم معك يا اخوانى ؟ نبدأ باول مشكلة بقى السلام عليكم ورحمة الله وبركاته وعليكم السلام ورحمة الله وبركاته. اما بعد - 00:09:57

تتلخص المشكلة في الشهوات بس. حاجة بسيطة جدا. يعني ايه كلمة واحدة ؟ بس هي ملفقة الناس حوالين نفسها. تتلخص المشكلة في الشهوات الحمد لله. من الله علي بالزواج آآ ولكن بعد الزواج اصبحت الشهوة - 00:10:17

اه الح وغض البصر اصعب. ايوه ايه بقى رأيك في المشكلة دي يا اخوانى ؟ احنا معنا طبعا شيخوخ كبار بقى شيخ فارس والشيخ عمر رمضان ومعنا كثير طبعا الشيخ فؤاد طبعا. اه معنا كثير من اخواننا يعني لكم مشايخ يا جماعة الحمد لله يعني. الحمد لله والشكر لله كل دعاء الى الله. ربنا بيابارك طبعا شيخ ابراهيم - 00:10:35

حبيينا وشيخينا ومشايخنا كلها كلهم يعني ربنا يحفظكم. يعني كثير من الناس والله قاعد تواضع. يعني تواضع منه. آآ يعني انا

اتجوزت بيقول انا اتجوزت. بعد الجواز الشهوة زادت. الشهوة مش قلت. وغض البصر بقى اصعب مش بقى اقل. ايه رأيكم في المشكلة دى، يا اخوان؟ بصوا اانا هاقوا، لكم حاجة - 00:10:55

يعني الكلمة دي انا سمعتها وانا طالب. من واحد من شيوخي. قال لي يا ابني الجواز ما بيحلش مشكلة الانسان اللي مش كويس. قال لي الجواز ممكن ان يزود المشكلة عنده اصلا. فانا استغربت قال لي يعني هو عارف يفهمني بقى او يقنعني في الوقت ده. وانا طالب مش قادر اتخيل طبعا احنا كتنا طلبة. يعني ايه - 00:11:15

بنحتسب على الله ما نجده من امر آآ الرغبة في الزواج والرغبة. فسبحان الله! فالكلام كان غريب بالنسبة لي. أما مرت السنين والواحد بدأ أتعمل اكتر واكتر مع الدنيا بدأ يفهم ان دي مشكلة حقيقة عشان كده ربنا سبحانه وتعالى بيقول وانكحوا الايمان منكم والصالحين من - 00:11:35

بكم وامانكم. سبحان الله! يعني كنا النهاردة في الليلة اليمانية يعني واقفين مع كلمة والصالحين من عبادكم وابائكم. الامام قرأها.  
فقلت سبحان الله! والصالحين من هو ربنا المفترض ان اللي انا خايف عليه من الزنا دي ايات الوقاية وقایة المجتمع من الزنا.  
المفترض ان انا خايف عليه من نشر الزنا هو الفاسد. مش الصالح - 00:11:55

يبقى وال fasidin من عبادكم وامائكم. يبقى المفروض جوزوا الفاسدين عشان ما ينشروش الزنا. جوزوا الفاسدين عشان ما ينشروش الفساد في المجتمع. تلاقي ربنا بيقول لك والصالحين من عبادكم وامائكم. الله! يعني انا انا بجوز الصلاة بس انا خايف من الفاسد.

اصل الفاسد ده لما هيتجوز ما تتخيلش ان مشكلته - 00:12:15

قضية يا اخواننا ان اللي عنده مشكلة - 00:12:35

في فرق اللي عنده مشكلة ده عايز يبقى هو بيذكي قلبه من جوة. يبقى نفسه مزakah من جوة. انما اللي فاكر ان الجواز فقط حل الشهوة ده لو هو انسان صالح. انما لو هو عنده مشكلة لازم يواجه هزه المشكلة. عشان كده آآفبيقول لك انا بعد الزواج - 00:12:45

تربية القلب؟ لازم تجتهد على قلبك. لازم تبقى من جوّه كان في اخ يقول لي -  
00:13:05

آهي كلمة غريبة قوي هو واحد من الدعاة يعني حبابي جدا يعني يقول لي الاخ اللي عايز زوجته تتزين له في البيت او اي اوي او اي اوي يقول لي ده - 00:13:25

**المشكلة زالت من عندك. أ - 00:13:35**

ممكن الحل ييجي وفضل المشكلة موجودة عندك. يبقى فيه حاجة اسمها تربية القلوب. اهتم بقلبك. اهتم باصلاح قلبك. اهتم بتزكية اهتم ان انت من جوة فعلاً تبقى عايزة رينا. اما ربنا سبحانه وتعالى يديك سبب لحل مشكلة من مشاكل يبقى انت حلية مش انت مستمر في المشكلة رغم ان ايه - 00:13:55

اخونا بيقول لنا ان هو متزوج ولا تزال المشكلة تزيد. طيب حد منكم يا اخواننا عنده اضافة في حل مشكلة اخونا؟ ها لو حد عنده يقول سرير قل يا شيخ محمود - 00:14:15

النبي عليه الصلاة والسلام في ستارة وفي مكان ما بين الصحابة وما بين الصحابيات. صحابيات يصلوا ورا في المسجد. أنا عايزل  
يعني الصحابة كانوا في المسجد النبوي يصلوا. ما كانش أيام - 00:14:27

تتخيل معي كده ان يعني لو انت كده بتصلني مسلا وفي نساء جايين - [00:14:59](#)

مین يصلوا وراك؟ في بعض الاخوة ممكن يفزع الواحد ساعات يفكر في الموقف ده. طب ازاي الصحابة يعني ما حدش بيفكـر الكل منشغل بصلاته الكل منشغل على الله. الصلاة تخلص. النساء يخرجوا الاول وبعد كده بيبدأ الرجال يخرجوا. طب الموقف ده ليه؟ قلت لان الناس دي كانت عالية. احيانا بعض الاخوة والاخوات بيقى مشكلة - [00:15:09](#)

شهوة او مشكلة التفكير في الاختلاط زايدة جدا جدا عنده. لان هو عنده خواص. لان هو عنده فراغ. لو فيه عنده احساس برسالة المشكلة هتاخد حجمها الحقيقي. انما احيانا المشكلة بتتضخم لان ما فيش رسالة. ما فيش بيئة ايمان. ما فيش روح. ما فيش حاجة ضخمة مالية عليك حياتك. بيقى من علاج الشهوة انك - [00:15:29](#)

انت تبقى صاحب رسالة. من علاج الشهوة انك انت بيقى وراك مهمة في دين ربنا. من علاج الشهوة انك انت تبقى موجود في بيئة ايمان وسط اخوانك تتقوى وتتجبر باخوانك على علاج هذه المسألة. مسألة بقى ان ممكن بيقى في البيت عنده مشكلة دي تبع حاجة تانية التربية الاجتماعية. طيب كيف يثبت - [00:15:49](#)

من اخواننا بيقول كيف يسبـت المسلم على الطاعة ولو ان له ذنب يعتاد عليه. ولا يستطيع ان يتركـه. مع انه حاول كثيرا ولكنه يبتعد بيـتـعـدـ عنـهـ ويرجـعـ لهـ تـانـيـ يعنيـ. فـماـ هوـ الحلـ - [00:16:09](#)

آآ ويـقـولـ كلـماـ دـعـاـ المـسـلـمـ إـلـىـ اللـهـ ثـبـتـ عـلـىـ الطـرـيقـ طـبـعاـ. فـلـهـزاـ فـهـزاـ نـعـرـفـهـ. ولـكـنـ كـيـفـ يـثـبـتـ عـلـىـ الدـعـوـةـ فـيـ زـلـ هـزاـ الـوـاقـعـ الـالـيـمـ؟ طـبـ اـخـوـنـاـ بـيـسـأـلـ سـؤـالـ اـلـاـوـلـ بـيـقـولـ لـكـ اـسـبـتـ عـلـىـ الطـاعـةـ - [00:16:28](#)

وفي زنب في حياتي انا مش قادر اسيبه. كثير من الملتحمين تلاقي عنده احباط رهيب. لـانـ هوـ عنـدهـ زـنـبـ مشـ قادرـ يـتـخلـصـ منهـ. كثير تلاقي عنده ويـجيـ يقولـ لـكـ اـنـاـ مـنـافـقـ اـصـلـاـ. اـشـتـغـلـ فـيـ الدـعـوـةـ اـزـايـ؟ـ وـاـنـاـ مـنـافـقـ. اـنـاـ مـشـ قـادـرـ اـنـ اـسـيـبـ الزـنـبـ. اـزـايـ انـهـ عنـ زـنـبـ وـاـنـاـ باـقـعـ فـيـهـ!ـ اـزـايـ اـدـعـوـ النـاسـ إـلـىـ اللـهـ وـاـنـاـ اـصـلـاـ لـوـ - [00:16:43](#)

ناس عرفـتـ حـالـيـ. الناسـ هـتـكـرـهـنـيـ وـتـبـنـيـ. اـنـاـ مـاـ اـسـتـاهـلـشـ اـنـ اـبـقـىـ اـدـعـوـ إـلـىـ اللـهـ. اـحـيـاـنـاـ الـمـوـضـوـعـ بـيـزـيدـ وـيـقـولـ لـكـ اـنـاـ مـاـ اـسـتـاهـلـشـ اـنـ اـبـقـىـ وـسـطـ الصـحـةـ الصـالـحةـ. اـنـاـ - [00:17:03](#)

الشـيـطـانـ غـلـبـنـيـ اـنـاـ كـدـهـ مـنـافـقـ وـيـقـىـ عـاـيـشـ فـيـ اـحـبـاطـ رـهـيـبـ. الـاحـبـاطـ دـهـ لـازـمـ يـنـتـهـيـ يـاـ جـمـاعـةـ. مـسـأـلـةـ الـوـقـوعـ فـيـ زـنـبـ قـابـلتـ اـصـحـابـ النـبـيـ عـلـيـهـ الصـلـاـةـ وـالـسـلـامـ. وـعـلـىـ فـكـرـةـ مـنـ اـسـبـابـ - [00:17:13](#)

المـشـكـلـةـ دـيـتـ النـظـرـةـ الـمـسـالـيـةـ عـنـ الـالـتـزـامـ. اـنـ فـيـ نـاسـ مـنـنـاـ اـتـعـلـمـ نـزـرـةـ مـسـالـيـةـ اـنـ لـمـ بـنـتـكـلـمـ عـنـ الصـحـابـةـ ماـ فيـشـ غـيـرـ النـماـزـ الصـامـقـةـ. وـمـاـ فيـشـ حـاجـةـ اـسـمـهـاـ مـعـصـيـةـ. مـينـ الـلـيـ قـالـ كـدـهـ؟ـ مـاـ اـحـنـاـ عـنـدـنـاـ آـآـ حـمـارـ وـعـنـدـنـاـ آـآـ عـبـدـالـلـهـ بـنـ النـعـيمـ اـنـ عـنـدـنـاـ بـعـضـ اـصـحـابـ النـبـيـ عـلـيـهـ الصـلـاـةـ وـالـسـلـامـ سـبـتـ اـنـهـ - [00:17:23](#)

فيـ الخـمـرـ اـنـهـ شـرـبـ الخـمـرـ بـلـ ثـبـتـ اـنـهـ شـرـبـ الخـمـرـ فـيـ غـزـوـةـ خـيـبـرـ. يـعـنـيـ اـسـنـاءـ غـزـوـةـ خـيـبـرـ تـخـيـلـ كـدـهـ مشـ اـخـ نـازـلـ جـوـلةـ وـهـوـ نـازـلـ جـوـلةـ وـقـاعـدـ يـدـعـوـ دـهـ اـلـلـهـ وـيـدـعـوـ دـهـ اـلـلـهـ. فـشـافـ وـاـحـدـ بـيـشـرـبـ خـمـرـ فـيـ جـانـبـ كـدـهـ فـقـامـ سـاـيـبـ الجـوـ لـوـ رـايـحـ شـارـبـ مـعـهـ خـمـرـ. تـخـيـلـ كـدـهـ دـهـ نـازـلـ يـدـعـوـ اـلـلـهـ!ـ دـهـ دـهـ - [00:17:43](#)

واـحدـ نـازـلـ يـجـاهـدـ وـيـضـحـيـ بـدـمـهـ فـيـ سـبـيلـ اللـهـ. وـهـمـ بـيـفـتـحـوـاـ الحـصـنـ التـانـيـ مـنـ خـيـبـرـ كـانـ فـيـهـ مـخـازـنـ خـمـورـ. فالـصـاحـبـةـ مـاـ حـدـشـ بـيـبـصـ عـلـىـ خـمـرـ خـالـصـ كـلـهـ بـيـجـريـ عـشـانـ آـآـ مـسـكـ الحـصـنـ عـشـانـ جـمـعـ الغـنـائـمـ. وـدـهـ مـنـ غـيـرـ مـاـ حـدـيـدـرـ يـقـومـ دـاـخـلـ. وـاـوـلـ مـاـ يـشـوفـ الـخـمـرـ فـيـ وـسـطـ الـجـهـادـ فـيـ - [00:18:03](#)

فيـ سـبـيلـ اللـهـ. وـفـيـ وـسـطـ غـزـوـةـ صـعـبةـ جـداـ جـداـ زـيـ غـزـوـةـ خـيـبـرـ يـقـومـ شـارـبـ خـمـرـ. هـوـ فـيـهـ كـدـهـ؟ـ اـهـ فـيـهـ كـدـهـ يـاـ اـخـوـانـاـ. وـلـازـمـ نـفـهـمـ اـنـ النـظـرـةـ الـمـسـالـيـةـ الـالـتـزـامـ هـوـ الـاـ اـعـصـيـ اللـهـ بـسـ اـنـتـ مـشـرـوـعـ مـحـطـمـ نـفـسـيـاـ بـسـ بـيـنـكـ وـبـيـنـ التـحـطـيمـ الـنـفـسـيـ وقتـ لـيـهـ؟ـ لـانـكـ اـنـتـ ماـ اـنـتـاشـ فـاـهـمـ الدـيـنـ. الـفـرـقـ - [00:18:23](#)

الـعـاصـيـ وـالـمـلـتـزمـ مـشـ اـنـ دـهـ بـيـعـصـيـ وـدـهـ مـاـ بـيـعـصـيـشـ. الـفـرـقـ بـيـنـ الـعـاصـيـ وـالـمـلـتـزمـ اـنـ دـهـ بـيـعـصـيـ وـمـاـ بـيـتـوبـشـ. وـدـهـ بـيـعـصـيـ وـبـيـجـددـ التـوـبـةـ هـوـ دـهـ الـفـرـقـ عـشـانـ كـدـهـ رـبـنـاـ سـبـحانـهـ وـتـعـالـيـ بـيـقـولـ وـالـعـلـمـاءـ قـالـوـاـ دـهـ اـرجـىـ اـيـةـ فـيـ كـتـابـ اللـهـ غـافـرـ الذـنـبـ وـقـابـلـ التـوـبـ. التـوـبـةـ

على احد الاقوال على القولين في الاية جمعت - 00:18:43

توبه. يعني لو وقعت الف مرة وبعد كل مرة قمت وتبت الله يقبل التوبة بتابعتك. عشان كده يعني اذنب عبد ذنبنا فقال اي رب اذنب ذنبنا فاغفر لي. بيقي اول ما وقع قال زى ما النبي عليه الصلاة والسلام قال واتبع السيئة الایه؟ الحسنة. اتبع فورا - 00:19:03

فورا يعني وراء فاتبعوهم مشرقين. اتبع السيئة الحسنة. يعني اوعي تدخل في احباط نفسي. لازم يكون عندك مرونة نفسية. انك بنـي ادم وانك ضعيف وانك لو وقعت قم فورا. طب والنتيجة اتبع السيئة الحسنة ايه؟ تمحها. يعني العمل الصالح اللي بعد العمل السيء ده

استيكة - 00:19:21

بتمسکها کده و تمحو العمل السيء من صحيفتك. عشان کده ربنا بيقول مع سيدنا موسى لما جاوز المیقات فلما جاوزه قال لفتاه اتنا  
غداعن خلاص المكان اصلا. طب لما اكتشف ان هو عدى المكان قعد محبط وقال انا ضيغت وقت وانا راح مني مجهد. وانا كنت  
ماشي، بعید خارج الطریة - 00:19:41

ماشي بعيد خارج الطريق - 00:19:41

الحطة - 00:20:01

الحيطة - 00:20:01

تقوم راجعة في سانية ارتدة ده وقفش لحزة واحدة يحبط ويندم ويعمل عالج خليك انسان عقليةك عملية في التعامل مش عقليةك آآ خيالية في التعامل مع الزنب. يعني ايه عقليةك عملية؟ اول ما تقع قم اتبع السيئة الحسنة تمحها. اذن عبد - 00:20:21

00:20:41

كل شوية يقع فيها. غالباً بتقى هي نفس نقطة الضعف. فالازب تاني فاحبط وقال انا عارف كلام بقى اللي الناس بتقوله ساعتها انا عارف ان انا ان كنت صادق في التوبة اصلاً. العلماء قالوا ان الوقوع في الزنب بعد التوبة منه لا يقدح في التوبة الاولى اصلاً. لا ولا يعني. انا ما كنت - 00:21:01

یعنی انک ما کنت - 00:21:01

الصادق في التوبة الاولى. ثم اذنب ذنبنا. ما قالش انا عارف بقى ان انا اصلا كنت كداب. وانا كدا بالعب في علاقتي مع ملك الملك. فقال اى رب اذنبت ذنبنا - 00:21:21

فاغفر لي. فقال الله وعلم ان له رب يغفر الذنب ويأخذ بالذنب غفرت لك. ثم اذنب ذنبا شووية قام وقع في الزنب تاني قال اي رب هو لو احبط يبقى ضيع نفسه. لو احبط بيقى بيعرض نفسه لحديس تهامة بقى. اللي هو كان بيعصي في السر والعياز بالله وما يتوبش وما يجددش التوبة. يجي يوم القيمة يلاقي - 00:21:31

ما شئت غفت الابد ما شئت غبت الابد تجربة حنفية ما كانت عذبة حلالها نكتة كتاب - 151:21:00

نبتة تبت فاني اغفر لك. ما دمت حيا وقابل التوب وقابل لو وقعت الف مرة بس قمت بعد كل مرة وندمت وجددت العهد مع الله  
وصليت ركعتين التوبة واتبعـت السـيـنة الحـسـنة انـالـحـسـنـات يـذـهـبـنـ السـيـئـات دـىـ منـالـاـيـات الـلـىـ نـزـلـتـ فـىـ مـكـةـ فـىـ سـوـرـةـ هـودـ

00:22:11

وفي اخر مكة وقرر نزولها في المدينة. لما جه صاحبي للنبي عليه الصلاة والسلام وقال له يا رسول الله اصبت من امرأة قبلة. يعني دي طبعا يعني حاجة كارسية النبي بقى ما قالش معقوله! وجري النبي عليه الصلاة والسلام قال ايه؟ فنزل قول الله سبحانه وتعالى ان الحسنات تذهب الى النساء - 00:22:31

الحسنات يذهبن السينات ذلك - 00:22:31

ذكرا للذاكرين. فقال الرجل يا رسول الله اهذا لي خاصة؟ ام للناس عامة؟ فقال النبي صلى الله عليه وسلم بل للناس عمد علاج وربنا  
الدنيا كلها. ده ده فتح رينا فتحه للدنيا كلها. ان الحسنات يذهبن اليه؟ السيئات. يبقى ازا قضية ان ان في معصية -

بتقع دي من الازمات اللي بتعمل ازمات نفسية عند الملتم. انه مش عارف يعامل ايه. ان هو مش عارف يتعامل مع الزنب اللي هو بيقع معه. عشان كده النبي صلى الله عليه وسلم قال - 00:23:11

ما من عبد مؤمن ما من عبد يبقى دي عبودية مؤمن يبقى ايمان. انت عايز بعد كده ايه؟ مقام عالي جدا. ما من عبد مؤمن الا وله ذنب الفينة بعد الفينة - 00:23:21

ان المؤمن خلق مفتنا توابا. مفتنا كل يعني بيقع كتير. توابا كل ما يقع يقوم وتوب فعال مبالغة. يعني كل ما يقع يقوم كل ما يقع يتوب. كل ما يقع يتوب لحد ما الشيطان بيأس منه. ما تعتقدش ان المعركة مع المعصية هتنتهي من حياتك يا اخوانا - 00:23:34 في فرق بين واحد ساب وواحد تاب. انت سبت لسة ما توبتش. يعني ايه؟ يعني انت لست مش قادر تخلص من معصية في حياتك.

تخلص من المعصية في حياة الانسان ده بيأخذ سنين طويلة - 00:23:54

عشان كده ربنا سبحانه وتعالى بيقول هذا ما توعدون قدام الجنة بقى لما ازلفت الجنة هذا ما توعدون لكل ايه؟ اواب حفيظ بباب يؤوب الى الله بالعمل الصالح والطاعة. حفيظ يعني بيحفظ حدود ربنا في المعصية. بيبعد عن المعصية. امتي جت حفيز؟ امتي -

00:24:04

البعد عن المعصية لما جه الاول اواب. لما جه الاول فعل الطاعة بقى كل ممسحة الطاعة هتزيد في حياتك. مساحة المعصية هتقلص في حياتك. انت عايز تخلص من الزنب اول حاجة اعرف ازاي تتعامل معه لو وقعت فيه. عشان احيانا بعض الاخوة بيحول الفتور لمصيبة. الاخ بيبقى عنده شوية فتور - 00:24:24

اه انا ضايع. انا وحش. انا عارف ان انا مش نافع. انا يقدر كده قاعد بقى ايه مرمي كده وخلاص وميت. طب اعمل ايه؟ خلاص هيموت. عايز اي حاجة يفك عن نفسه. طب قوم انفرج على اي مقطع كده تفك عن نفسك على اليوتيوب ولا حاجة. خلاص دخل في سكة ما يفوقش غير على مصيبة عاملها بيحول الفتور لمصيبة - 00:24:44

احيانا البعض بيحول المعصية لقطيعة مع الله والعياذ بالله. يقع في المعصية. يحبط. الاخ في الاول بيحبط شوية وما عدش احباط. شوية بقى ويبدأ الشيطان يدخل سايبل ليه؟ ده انت عايز ربنا. يعني الانسان العاصي بيعصي وانت لما اردت انك تطيع ربنا ما قعدكش وربنا ما سبتكش - 00:25:04

وربنا ما حفzekش ، وربنا انا سمعتها من بعض اخواني والله يا جماعة يعني بعضهم فتن خطيرة كانت في الطريق. واحد قال لي مرة ربينا سايبني ليه؟ واخ من - 00:25:24

اصلح من رأيت في حياتي مش قادر يتحمل الالم النفسي بتاع وقوعه في المعصية. فيبدأ يسيء الزن في الله والعياذ بالله. يتحول المعصية الطاعة مع الله والعياذ بالله. لأ بيقى احنا مش عايزين كده. احنا عايزين نفهم زي ما النبي عليه الصلاة والسلام علمنا آآ ازاى وروي عن النبي عليه الصلاة والسلام انه قال ان - 00:25:34

طه يحب. شوفوا الكلام الخطير ده. ان الله يحب المفتن التواب. اللي لما بيعصي يقوم على طول. اللي لما بيفعل على طول. جلد ركبتك هو يعني اتخن جلد في الجسم. لانك وقعت عليه كتير وكل ما بتقع بتقوم - 00:25:54 ايه يستحمل بعد كده وناشف. فالاخ كل مرة بتقع وتقوم انت بتاخد حصانة مستقبلية. بيقى ده علاج مهم جدا انت ما تحبطش لما تقع في الزنب. وتعامل عملي. طب انا عايز اخلص من الزنب. خلاص في حل جميل جدا. اذا دخلت الطاعة من الباب هرب الزنب من الشباك - 00:26:14

اواب حفيز جت اواب هييجي حفيز جه الطاعة هتهرب المعصية. كل ما مسحت الطاعة في حياتك هتزيد. كل ما مسحت المعصية في حياتك هتقلص فده السؤال الاولاني اللي هو آآ انا مش قادر اسيبه وحاولت كتير. وطبعا يا اخواننا الموضوع ده فيه دروس كتير يعني ايه؟ الانسان اللي عايز يعالج مشكلة - 00:26:34

يبدأ يركز معها. هو نفسه ممكن بعد كده بيقى عنده حلول كتير جدا لها. ولكن اوعى تحبط. اوعى تنهار. اوعى الزنب يشرخ لك دينك

تعامل مع الذنب تعامل فوري وتعامل عملي واحياناً الذنب بيبقى سبب انك توصل لربنا. من لطف ربنا احياناً ان الاخ يبتلى -

00:26:54

ذنب عشان يفضل عنده دافع على التوبة. دافع عن العمل الصالح. دافع على ان هو يعوض على التعويض. ويدافع على رجله لحد ما يوصل لمقامات عمره بدون هزا الذنب ما كان يصل لها. فده احياناً من لطف الله سبحانه وتعالى بالعبد. وده احياناً بعض العلامة - 00:27:14

علماء الاسماء الحسنى ذكروه في معنى اسم الله الرب اللي بيربيك. ان احياناً من التربية التربية بالابتلاء. احياناً من التربية بالطاعة طبعاً. احياناً بال التربية ان ربنا يسيبك تعصيه. ليه ؟ لأنك لو ما عصتوش هتبقى فرعون. لو كل يوم بتتصحي الفجر. لو كل يوم بتتصحي قيام الليل. لو ما فييش ولا اتنين وخميس - 00:27:34

بيروحوا عليك لو يعني والله انا اعرف يعني احد آآ الاخوات واظنها يعني كانت من الصالحات ما اعرفش حاجة عنها دلوقتي يعني. فابتلت ابتلاء خفيف جداً يا اخواناً لو دخلت المستشفى فيعني ايه رحنا نزورها في المستشفى فاكثر قاعدة كده هو انت عملت في كده ليه يا رب؟ وهي قاعدة على السرير - 00:27:54

عملت فيك ده انت المستشفى اللي انت فيها دي فيها حالات لو انت عرفتها شعر راسك هيшиيل. ده انت في حالات لابدتها في المستشفى اللي انت فيها انت اصلاً الابتلاء بتاعك بالنسبة للابتلاءات - 00:28:14

لا شيء. انما هي يعني استغفر الله العظيم. احياناً يا اخواناً الطاعة بتجيبي عند الانسان احساس ان يا رب انا طاعتكم لازم تعاملني معاملة غير الناس بقى. لازم بطريقة غير الناس بتتروق فيها بها. لازم عيالي بيقى شفائهم وامرهم تمشي بطريقة غير ولاد الناس. مين اللي قال كده؟ لما ایوب عيي بعد - 00:28:24

تلتاشر سنة ربنا قال له هزا مفترسل بارد وشراب. اووعي تطلب الخصوصية في معاملة ربنا لك بسبب عبادتك. يعني احياناً الذنب ده بيحميك من الفراعنة. بيحميك من كوارس. وانت مش واحد بالك منها. لولا هزا الذنب لما كنت وصلت الى ما وصلت اليه. آآ مش عايزيين - 00:28:44

مش عايزيين النفسية الاحباطية انا ربنا مش راضي يعني انا ضايع انا لوجه الله يا جماعة النفسية المدمرة التي لا علاقة لها بالدين ديت عايزيين نتخلص منها. يا اخواناً لهم مش عبادة. انك تفضل شايل لهم كده وقاعد كده. ده مش عبادة. العبادة هي العمل الصالح. انك تشتفل كل - 00:29:04

كل حاجة هتحبطك عن العمل الصالح دي ما هياش ابداً. طب كلما دعا المسلم الى الله ثبت على الطريق. فهذا نعرفه ولكن كيف يسبت على الدعوة في زل هزا الواقع القديم - 00:29:24

طبعاً يا اخواننا السبات على الدعوة. طبعاً هو ده سؤال عالي. يعني السؤال بتاع اخونا ده سؤال عالي بفضل الله سبحانه وتعالى. سؤالين اصلاً سؤالين اه كيف اسبت على الدعوة الى الله - 00:29:34

وفي هزا الواقع هو السؤال اسر المعتمد اتعلم الدعوة ازي؟ لأنه بيقول لك فضل منة الله انا عندي هم دعوة وشغال في الدعوة الى بقدر يعني ربنا فتحه لي ولكن - 00:29:44

ازاي اثبت انا لا انسى احد اخوانا مش اخوان يعني احد اخوانى. بات عنده واحد من اه يعني اه يعني ايه مشايخنا اللي قدوة لنا في الدعوة الى الله. فالاخ - 00:29:54

آآ الشیخ ده بات عنده. فالاخ بيقول لي الشیخ فضل يصلی قیام لیل من اتناسن باللیل للفجر وقاددیدعی یدعی یدعی الاخ بیقول للشیخ قال لي بعد الفجر قال له انت عارف انا طول اللیل بادعی دعوة واحدة بس بادعی ربنا بايه؟ قال له بتدعي - 00:30:07

قال له بدعی اللهم لا تحرمني من شرف الدعوة اليك. اللهم لا تحرمني من شرف الدعوة اليك. ان واحد يقظ يا اخواننا عارف ان الدعوة الى الله ده استعمال. انت ممكن تبقى مش شغال في الدعوة. يعني ما يزعلاوش مني. احنا مش عايزيين احباط بس التشخيص

احياناً. لانك انت مطرود من الدعوة اصلا - 00:30:24

لانك انت في زنب عملته وحرمت بسببه من الدعوة. يعني اوعي تفتكر انك مش شغال في الدعوة لانك مش فاهم دعوة. او لانك مش متعلم فن دعوة. يعني آآ وي يعني وما اعتقاده ان اكتر كلمة دمرت الدعوة هي كلمة فن الدعوة. يا ابني انزل اشتغل ولما تفتح بقك هتلaci رينا فتح - 00:30:44

وربنا امده من عند يا ابني ده انت لو اتعصرت هتنزل معلومات. ده احنا اكتر ناس في الدنيا سمعت دروس وخطب. مين قال لك ان انت فاضي؟ مين قال لك - 00:31:04

ان انت ما عندكش معاني. انت بس اللي متهيأ لك. ابدأ بس استشعر انت بتحب ربنا قد ايه. واتكلم عن ربنا بقلب بيحب ربنا. ومستشعر حب ربنا وتعالي. فيبيقول لك ازا يسيب على الدعوة الى الله؟ طبعاً دي مقامات عالية. وربنا بيقول فما رعوها حق رعايتها. اما ربنا يفتح لك باب عالي زي طلب العلم. ده باب عالي - 00:31:14

دي حاجات عالية جداً في الدين. او الدعوة الى الله. ده استعمال. يعني الناس بتطلب علم وبتموت نفسها وبتتربي عشان في الآخر يشتغل في الدعوة الى الله. ربنا يستعمله في الدعوة. انت ربنا يستعملك - 00:31:34

يبقى بلاش بقى فما رعوها حق رعايتها. احفظ نعمة ربنا عليك. صاحب الناس اللي تشجعك في الدعوة. صاحب الناس اللي شغالة في الدعوة توجه وخاف من زنوبك. خاف من حتى لو زنوب في معاملة زوجتك في معاملة جيرانك في معاملة ارحامك. انت ما تعرفش اي زنب ما تعرفش ممكن - 00:31:44

الضريبة بتاعته بتيجي في ايه؟ او العقوبة بتاعته والعياز بالله تيجي في ايه؟ لو انت مش واحد بالك من زنوبك وبتوب منها اول باول. حافظ على نعمة ربنا عليك - 00:32:04

وقدر نعمة ربنا عليك واعرف ان ياماً ناس كتير او اي او اي كانت شغالة في الدعوة وكانت منطلقة في الدعوة وللاسف الشديد راحت يعني احد مشايخي مرة بيقول لي اجيب لك شرایط واحد ماشي دلوقتي طبعاً ما يعرفوش ماشي الوقتي على شط اسكندرية - 00:32:14

اتكلم مع الفتيات وضاع تماماً في دين ربنا سبحانه وتعالى والعياذ بالله قال لي اجيب لك الشرایط بتاعته اللي كان قايلها القضية يا اخوانا يعني ان ربنا دي خطوة جميلة ولكن انك تفضل على كده لحد ما تموت دي بقى هي القضية. ازا استمر على الدعوة؟ ازا استمر على هم الدين؟ ازا استمر - 00:32:34

على هم العبادة دي قضية كبيرة جداً ان لم تشغلك وتشغل حيز كبير جداً من تفكيرك هتخسر ما انت فيه. لازم تبقى يقظ والا وجههم ما كان فيه. يبقى ازا قضية ازا احافظ على آآآ الدعوة الى الله. هي نفس قضية ازا استمر - 00:32:54

على طلب العلم هي نفس قضية ازا استمر على قيام الليل هي نفس قضية ازا استمر على آآآ ابواب الخير اللي ربنا فتحها لي هي نفس القضية؟ قضية ازا استمر - 00:33:14

الاستمرار ده عايز واحد عنده الفكرة دي. عايز واحد عنده الرعب من انه ما يكمش. كنت لسة باقرأ كلمة الحسن البصري والله ما المؤمن الذي يعمل الشهر ولا الشهرين ولا السنة ولا السنين ما جعل الله المؤمن اجلاء دون الموت. ما جعل الله المؤمن - 00:33:24  
اجلاء دون الموت. المؤمن مش اللي يستغل ينزل جولات شهر شهرين ويقف. المؤمن مش اللي يقعد في قيام الليل او في الدعوة الى الله سنة سنتين ويقف. المؤمن اللي وما بدلوا تبديلا. اللي مكمل مهما تقليت ظروف الدنيا وظروف الحياة مكمل ومواصل. عشان تفضل مكمل ومواصل لازم - 00:33:44

تفضل في غاية الحذر. وفكرة السبات وفكرة الاستمرار تفهم ان هي صلب الدين. ما هو يا جماعة كل اللي في المسجد اشتغلوا في الدعوة يوماً ما كل اللي في المسجد اشتغلوا في قيام الليل يوماً ما. كل اللي في المسجد اشتغلوا في صنائع المعروف وتوصيل المعونات للناس الفقيرة يوماً ما - 00:34:04

وكل اللي في المسجد او تسعه وتسعين في المية منهم ما عدش بيعمل الكلام ده. يبقى ازا مش القضية انك عملت. القضية انك تكمـل.

القضية انك القضية انك تبكي لربنا في النص ساعة اللي قبل الفجر تقول له يا رب ما تحرمنيش من الاستعمال يا رب. قضايا انك تخاف ان يستبدل بك - 00:34:24

انك تخاف انك انت ربنا ما يستعملكش. انك تخاف من معاصيبك. انك تدرك بسببها. اذ ابق الى الفلك المشحون. شف كلمة ابق ده ايه! ده هي حاجة واحدة بس. ده هي امر واحد لربنا وخلف. ربنا قال لك اذق الى الفلك المشحون فسائل. مشحون فزامي فكان من المתחصين. فالتحقه الحوت وهو - 00:34:44

فلولا انه كان من المسبحين للبث في بطنه الى يوم يبعثون. ايه ده! ده ربنا مش بيعامل الاخ اشتغل في الدعوة اسبوعين ولا شهر وفاكر ان الموضوع ده ربنا بيتكلم علىنبي من الانبياء.نبي صورة من اطول سور القرآن باسمه.سيدنا يونسنبي صورة من اطول سور - 00:35:04

النزلة في فترة من اصعب فترات الدعوة سنة حداشر مكية. سورة يونس نازلة حداشر مكية باسمه. عليه الصلاة والسلام. وشف ربنا بيقول لك ايه خير بس من غير ازن في الدعوة الى الله. ربنا قال از ابق. وكلمة ابق دي كلمة يعني يعني انت تعرفون معناها في اللغة او كثير منكم يعرف معناها في اللغة. ببقى الموضوع مش لعبة - 00:35:24

لما ربنا يستعملك خاف بقى. كل ما انت بتطلع كل اللي بياخد بكاريوس ما بيتحاسبش من اللي بيتحمنوه شفوي او بيناقشو زي اللي ماجستير زي اللي بياخد دكتوراه كل ما بتطلع في الدين حسابك بيبقى غير قبل كده. حسابك بيبقى ايه؟ بتبقى آلام تاخد بالك بقى من حاجات اكتر. لازم - 00:35:44

تترقى في المعاملة اكتر. طب اخر سؤال ناخذه. آآعشان نبقي خدنا تلات اسئلة اه يعني هو يعني اخونا بيسأل العادة السرية بس ازن ان هو ده ايه آآاظن ان احنا جاوبنا على السؤال ده في مسألة نفس الكلام اللي احنا قلناه في المعصية. العادة السرية يا جماعة انا اعرف كمية ضخمة من الشباب حياتهم متحطمة - 00:36:04

بساب العادة السرية. متحطمين نفسيا. ليه؟ انا ضايع بص هي معصية. معصية لله سبحانه وتعالى. ربنا يتوب علينا جميعا. يعني آآآ ما ندين انها انها معصية من المعاصي. يعني وعشان تتعامل مع هزء المعصية لازم بيبقى عندك فقه التعامل مع الزنب. التعامل مع الزنب ده - 00:36:28

زي التعامل مع الفتور كده فك التعامل مع الفتور. ده ده نوع من انواع العلم. في الطريق الى الله. ازاي تتعامل مع الزنب؟ عشان مش اللي انت كسبته تقوم وقعي. ما هو دلوقتي يعني ايه عادة سرية - 00:36:48

يعني انت واحد قاعد تجري تجيب جون فجأة لقيت جون جه في الشبكة بتاعتك. فانت لو سايب الشبكة بتاعتك من غير حارس مرمى. انت كل اللي انت بتجيبيه هيتجاب فيك بعد كده - 00:36:58

الطاعات اللي انت فانت لازم تبقي عارف كيف تتعامل مع الزنب عشان اللي انت بنطيته بالطاعة ما يجييش يتهدم الزنب بعدها. وما يجييش يطبع يضيع بالزنب قل لي ان التعامل مع هزء المعاصي اهم حاجة اتبع السيئة الحسنة. اول ما تقع قم. اول ما طب وبعددين ؟ طب انا مش عايز اقع فيه اصلا بيبقى تحصن نفسك من بدري بايه - 00:37:08

بيئة الایمان الانشغال بالطاعة الانشغال بالرسالة الانشغال بالدعوة الى الله انك انت تعلم انك انت تعلق لحد ما ربنا يرقيك واجبرني وارفعني ارفع لي لحد ما ييجي ترقية لك من ربنا وربنا يتوب عليك من هذا الامر. فدي نقطة مهمة جدا يا اخواننا عشان كده الواحد احيانا كتير جدا بيخاف يتكلم عن العادة السرية - 00:37:28

اه لان انا عارف ان في شباب بيتعامل مع هزء القضية هي قضية خطيرة طبعا دي معصية لله. اي معصية عاملة زي حباية سبحة اتفرطت من العقد. لو حباية تفرط اللي بعدها. فطبعا المعصية دي حاجة خطيرة. ولكن احيانا بيبقى التعامل - 00:37:48

نفسى وغير عملى وغير واقعى. احباط وخلاص عذاب نفسى وخلاص. تحطيم نفسى وخلاص. احساس بالفشل وخلاص. لأه هو مش مراد ربنا انك انت تعمل كده. مراد الله سبحانه وتعالى انك تقوم على رجليك. وانك تعزم انك انت تتوب من هزا الزنب. وانك انت تملأ حياتك بالاعمال الصالحة. اللي تاخد مساحة - 00:38:03

آ عدم الاستمرارية. جميل او اي اما بلاقي اخ بيقول عدم الاستمرارية دي مشكلتي. انا باحس ان ده بنى ادم فاهم، باحس ان ده بنى ادم فاهم. يعني بعد خمسة وعشرين سنة - [00:38:23](#)

احنا في هذا الطريق يا جماعة الواحد اكتشف ان القصة كلها هي الاستمرار مش الفروعات. يعني يعني القضية قضية انك ان جالك شهر ولع الدنبا ان جا لك تلات تيام طلقة ما بتنامش وذكر النهار وقيام الليل جا لك اسبوع صيام - [00:38:33](#) الواحد اكتشف ان القضية مش كده. ان القضية فعلا احب الاعمال الى الله ادومها. لأن اسرم الاعمال هو ادومها. حتى لو عمل صغير ولكن المهم انك انت تستمر اتخذوا دينهم لهوا ولعبا. البعض قال اللي بيلعب آآآ اللي بيلعب آآ يعني الاية دي لها تفسيرين. التفسير الاولاني اللي - [00:38:53](#)

العب بالدين. التفسير الثاني اللي بيلعب في الدين. اللي بيلعب بالدين يعني واحد واحد الدين لعبه. التفسير الثاني اللي بيلعب في الدين. يعني هو هو ملتزم ولكن قاعد يلعب جوة الدين. قاعد يلعب في الدين قاعد. مش عارف انه بيتعامل مع الملك. يجي له مزاج للقيام يقوم. بعد كده سابه. يجي له مزاج لحفظ القرآن يحفز - [00:39:13](#)

بعد كده ما ينفعش تلعب. ما تلعبش في دينك. لازم تبقى انسان. اللي انت هتعمله تستمر عليه. حتى ان بعض العلماء اتكلم في الركعتين اللي النبي عليه الصلاة والسلام صلاهم - [00:39:33](#)

بعد العصر يعني قال لك طب والنبي سبتم لهم لحد الموت ليه ؟ يعني لما قال لك النبي كان اذا عمل عملا صالحا اسيته. النبي عمل حاجة خلاص بقى ديت بينه وبين - [00:39:43](#)

ربنا لحد ما يموت. فلازم نتعلم المسؤولية في الدين. لازم تتعلم ان الدين مش لعنة. ان لو ربنا فتح لك باب طاعة بيقى تفكيرك الازازي مش اقدر بقى انقل وانواع ازاي استمر عليها حتى الموت ؟ اي عبادة ممكن تدخل الجنة بسببها. اي عبادة ممكن تدخل الفردوس الاعلى بسببها. ولكن تبقى فيها - [00:39:53](#)

وهل جزاء الاحسان الا الاحسان ؟ عدم الاستمرارية عدم القدرة على التوفيق بين الدراسة واعمال الدين. الاخرى كحضور الدروس المستمر وحفظ ومراجعة القرآن. آآآ عدم القدرة على التوفيق بين الدراسة واعمال الدين الاخرى كحضور الدروس. طبعا هي دي يعني ايه ؟ يعني هي دي مشكلة عند الجميع يا جماعة. مشكلة - [00:40:13](#)

الواجبات اكثر من اوقات. مشكلة اعمل ايه ؟ انا ورايا بر والدين ورايا صلة رحم وكتاب شعب الایمان بضع وسبعين شعبة قد كده هوة يعني حوالي عشر مكلفات والدنيا مش ده انا عشان اركب تاكسي واروح مشوار باخد ساعة. طب اعمل ايه دلوقتي ؟ طب اجمع ازاي ما بين الدين وما بين الدراسة وجوة الدين ما بين - [00:40:37](#)

طلب العلم وما بين الدعوة قضية اجمع ازاي ؟ اول حاجة انها عايزه توفيق من ربنا سبحانه وتعالى. عشان كده النبي عليه الصلاة والسلام قال للصحابي لما قال له ان شرائع الدين قد كثرت عليه. قال له لا - [00:40:57](#)

يزال لسانك رطبا بذكر الله. ليه ؟ لأنك طول ما انت على الذكر انت في المعية. وطول ما انت في المعية انت تواجه الحياة بقدرة الله لا بقدرتك. فربنا اللي يجمع لك. ربنا بقى ايه زي ما ربنا قال وايدهم بروح منه. روح الروح الایمانية. اللي احنا بنسميتها الروح المعنوية. الروح المعنوية اللي هي الروح الایمانية. اللي تخلி - [00:41:07](#)

روح احنا مش هانم انا هاعمل بيقى ايه ؟ ثاني حاجة بعد انك انت تحتاج معية ربنا وتوفيق الله سبحانه وتعالى انك انت لازم تعرف ان الجمع ما بين الحاجات مش بالاعتراضات. يعني ايه ؟ انا مش هنم ، جميل جدا. فما نمتش يومين، بعدها قمت حاطط راسك قمت نايم قصادهم يومين - [00:41:27](#)

انا ما هو اصل الموضوع مش اعتراضات. الموضوع عايز بعد توفيق الله تنظيم وقت. وعايز تبقى انسان عاقل. يعني ايه انسان عاقل ؟ يعني انت عايز ايه انا والله طلباتي مش كتير. انا عايز اطلب علم وطلب العلم ده انا عايز تفسير وعايز حديث وعايز مش عارف ايه ومش عارف حاجة كده. في نفس الوقت انا عايز اشتغل في الدعوة الى الله. وفي نفس الوقت انا - [00:41:47](#)

ما اقدرش ما اعبدش ربنا نفسي في القيام بالزارات التلت الاخير بالليل جميل اوبي. وآآ وبرضه جلسة الضحى حلوة جدا ويبقى فيه ورد

00:42:07 - كده ايه في الاصل كده نسبايج وكده

وعايز اروح تدبر وعايز اروح مقابر. وفي نفس الوقت انا نفسي اشتغل صناعي معروف. وفي نفس الوقت انا برضو ما فيش مانع ان انا اشتغل في الجهاد في سبيل الله. ما فيش - 00:42:17

كده يا جماعة قال رسول الله صلى الله عليه وسلم استقيموا ولن ايه؟ ولن تحصى. دي تربية عقلية. يعني ايه استقيموا ولم تحصوا؟ يعني استقيم في طريق لربنا اسبت على الطاعة اللي انت بتدخل فيها. ولن تحصى عمرك ما هتعرف تحبب الدين كله. عمرك ما هتقدّر تجمع الدين كله في حياتك. يبقى لازم تنشن. ها فسدو - 00:42:27

وسدد عارف اللي ماسك الكورة وعايز يجيب كورة في الجون سدد. يعني شف اكتر حاجة تقدر توصلك لربنا ايه. سدد وقاربه مش تقدر تجيبيها بالزبط مش هتقدّر يعني مية في المية في كل اعمال الدين. يبقى لازم تكون انسان عاقل ما حدش هيقدر يجيب كل حاجة. ما حدش هيقدر يعمل كل حاجة - 00:42:47

يبقى لازم تختار انت عايز ايه؟ انت المرحلة دي احده اخواننا كان آآ يعني شغال في حفظ القرآن وشغال في يعني بعض الاعمال كده دعوية وكده فيبيقول لي انا يعني قدامه فرصه معينة كده لطلب علم بصورة آآ عالية شوية. واحنا بنتكلم مع بعض خفنا يعني ما هو - 00:43:07

دلوتي هتدخل حاجة زيادة وانت لسة مش مستقر في اللي انت فيه. لا هتكسب اللي انت فيه. الموضوع مش طمع يا جماعة. الطمع في الدين بيضيع اكتر من الطمع في الدنيا - 00:43:27

في الدين بيضيع اكتر من طمع في الدنيا. هو فيه طمع في الدين؟ ده علو همة؟ لأ مش علو همة. ده طمع وعدم عقلانية. لازم تفهم ازاً تصل الى الله بعقلانية - 00:43:37

درجة درجة الترقى التدريجي. الكلمة اللي معظم الملتزمين والملتزمات مش عايز يقبلها. الترقى التدريجي. يا ابني واحدة واحدة الدنيا مش هتطير. كل حاجة هتتيجي في وقتها. انما انت دلوتي المرحلة اللي انت فيها دي هتركز في ايه؟ هركز في العبادة. ما فيش حاجة اسمها رکز في العبادة. يا ابني - 00:43:47

ده كلام توهان. هتركز في ايه في العبادة؟ هتركز ما العبادة خمس تلاف نوع من انواع العبادة؟ اه هركز في قيام الليل ما فيش حاجة اسمها رکز في قيام الليل الله - 00:44:07

في ايه هو لأ وخلاص ما فيش يا ابني ما القيام ده اول الليل واوسط الليل وآخره. اه انا نفسي في اخر الليل ما فيش حاجة اسمها نفسى. انت فعليا - 00:44:17

تعمل ايه؟ انت الوقت اللي بتبقى فايق فيه وصدرك منشرح فيه. وتقدر تبعد ربنا فيه في الليل نهوه. انا الوقت مش ان انا في احلامك فيه فرق بين الممكن وبين المطلوب. انا عايز الوقت الممكن. انت الوقت تقدر تصلي قيام ليل امتنى - 00:44:27  
انا بنام كل يوم الساعة حداشر او اتناشر يبقى انت تصلي اول الليل. يبقى انت ميعاد صلاتك اول الليل وآخرك اوسط الليل. ما تقعدش تفترض انك العنتريات عشان تعمل عبادة. يبقى حدد انا يبقى انا هركز في العبادة في قيام الليل في اول الليل. وهرکز مسلا في جولة دعوية خلاص رکز بقى في الكلام ده - 00:44:47

اما تبقى تسبت على الكلام ده شهرين ثلاثة اربعة. ساعتها انقل نقلة زيادة. انما انت بتنتقل وانت لسة مرتبك في الخطوة اللي انت فيها. وما انتش متمكن منها طب انا هركز في حفظ القرآن. هركز فين؟ حفظ القرآن وهرکز في آآ حفظ القرآن برضو ازاً؟ ما تجييش تقول لي انا حفظ في البيت خلاص هحفز مع محافظ في المسجد - 00:45:07

برضو ما ينفعش. ليه؟ هتحفظ من اول المصحف ولا من اخره؟ حدد مرحلة طريق. اه. يبقى الهدف الاول انا هاخلاص المفصل. بس، اما اخلص مصر ربنا يحلها اطلع لمرحلة تانية. يبقى خليك انسان مرتب. خليك انسان ممنهج في حياتك. تبقى انسان مرتب. انما انك عايز تعمل كل حاجة. في نفس الوقت - 00:45:27

وعايز تقوم عامل رجلك كده طالع طالعة تبقى في الدور العاشر. ده كلام فارغ. ما فيش اسانسيرات. ما فيش اسانسيرات في الطريق.

الا الموسام بقى. رمضان عشر الحجة العمرة وايام المجاهدة اللي ربنا بيفتح فيها العبد، انما عموم الحياة سلام. انت هتطلع السلم.  
سلمة سلمة. والخطوة اللي انت هتاكلها - [00:45:47](#)

لو بقى عندك خمسين سنة هترجع تاخدها تاني. ما فيش اكل خطوات في الطريق الى ربك. لو كل خطوة وبقيت بعد كده شيخ  
الاسلام هترجع تاخد الخطوة غصب عنك تاني - [00:46:07](#)

طريق لربنا ما فيش فيه حاجة ما فيش فيه اكل. عشان كده ربنا بيقول كونوا ربانيين ربانيين. انك تربو وتزيد خطوة خطوة. فتوصل  
في النهاية انما اللي بياكل مراحل في الطريق دي ما تنفعش. ما ينفعش واحد يقول لك انا في ابتدائي بس هموم عشان ادخل  
اعدادي. انا نفسي هو انت يعني عايز تصعب علي يعني؟ ارجع - [00:46:17](#)

للدكة بتاعتك في اولى ابتدائي يلا. انت انت فاكر الموضوع ايه؟ ارجع اقعد في الفصل بتاعك. انت هتسقط وهتفشل مش قضية انا  
شفت بتوع سانوي فانا نفسي مش مرحلتك انت الوقتي طالب في تانية انت في مرحلة التربية القلبية. انت دلوقتي في مرحلة انك  
انت تدعوه وتنزل جولات وتعمل. انت دلوقتي في مرحلة انك تطلب علم. بلاش - [00:46:37](#)

اللقفة على المراحل اللي بعد كده لو طالب دخل اولى طب وهو بيزاكر تشريح. قال الجراحة دي جميلة اوبي. اما اجيب كتاب الجراحة  
دي في ستة طب التشريح ده في اولى طب - [00:47:00](#)

ومش هتنجح في الجراحة الا لو فهمت تشريح الجسم الاول لو جه ينط على الجراحة هيسقط في التشريح وهيسقط في الجراحة.  
احترم مرحلتك. واقبل التدريجي كنت قاعد مع اخ من الاخوة وسهرانين مع بعض في آآ في البيت عنده يقول لي انا انا عايز  
اوصل لربنا انا انا عايز يبقى في - [00:47:10](#)

في علاقة اقول له خلاص قم الليل انت مش فاهمني انا عايز اوصل اقول له طيب خلاص عندك جلسة الضحى انا عايز اؤمن  
قلت له يا ابني ما هو ما فيش حبوب هتاخدها هتبقى مؤمن. ما انت لازم تقبل ان فيه سلم هتططلع خطوة خطوة. هزا الشاب شرب  
مخدرات بعد كده. وساب كل حاجة - [00:47:30](#)

ما هو انسان مش عاقل اصلا. ما فيش حد هيكم بهزه العقلية. ما فيش حد هيقدر يستمر. اقبل الترقي التدريجي. اقبل انك انت  
يعني اقصى انسان يقدر يستغل في حاجتين في نفس الوقت. انما انك انت تعمل لي آآ الاخ رمبو مش هتبقى. الاخ بطلايموس مش  
هتبقى. يبقى اقبل انك هتبقى انسان - [00:47:50](#)

في دين ربنا. طيب مسألة الجمع بين الدراسة والدين. الموضوع مش مشكلة يا اخوانا والله. يعني الواحد الوقتي سبحان الله العظيم  
يقعد يفتكر كده ايام ما كان طالب ازاي اجمع بين الدراسة والدين؟ الواحد يضحك على نفسه - [00:48:10](#)

دراسي ودين ايه يا ابني! الموضوع بسيط جدا. يا عم رتب وقتك. يا عم خليك جد شوية. ما تقعدش تصحي لي من النوم. تقعد تنام  
على السرير. وتقعد بقى نص ساعة على السرير عما تقوم وبعد كده تقعد نص ساعة وتنام في الحوض. وتصحي على ادان الفجر وانت  
راسك في الحوض يا ابني ما تخليك راجل. اليوم اربعة - [00:48:23](#)

عشرين ساعة والاسبوع سبع تيام. والشهر تلاتين يوم خليك راجل. وتيجي وتفضل رامي المذاكرة طول السنة وتيجي ايام الامتحانات.  
تزاكر اسبوع جدي قل ياه! لو كمان اسبوع ارتب على الدفعة! يا سلام! وتضيع الشهور اللي فاتت كلها! وجاي الوقت تكتشف ان الوقت  
يكفي! انت اللي مش جد! يعني يا اخوانا - [00:48:43](#)

الواحد اكتشف فعليا مع مرور السنين ان معزز عدم القدرة على الجمع عدم جدية. عدم ترتيب وقت وعدم جدية. يا عم ما ترتب  
وقتك. ارتب وقتكي ازاي؟ رتب وقتك ادي يا عمي للمذاكرة تلات اربع تيام في الاسبوع ولطلب العلم وحضور الدور تلات تيام في  
الاسبوع. ازاي يعني؟ ازاي؟ والله العزيم تطلع من الاولئ لو عملتها - [00:49:03](#)

لو جبت اقل من امتياز وعملت كده تعال يا عم قل لي يا عم انت آآ انت ما انتش انت شيخ منسخ ما انتش آآ انت المفروض تقعد كده  
ايه - [00:49:23](#)

يا اخوان ايه الدين انت بس؟ نزم وقتك. احد المشايخ وراجل من الاولئ كان يدي شهر للحادي شهر للمذاكرة. انت بقى او طبيعة

دراستك ادي يوم زي سيدنا عمر ابن الخطاب. يوم ويوم يوم يقعد مع النبي ويوم ادي يا عم تلات ساعات زي الشيخ محمد حسان لما كان طالب - 00:49:33

كان بيطلع الاول. ادي تلات ساعات للمزاكرة وبعد كده اعمل اللي انت عايزه. خلاص بس اسبت ما هو الدنيا زي الدين. التربية العقلية واحدة. قواعد نجاح في الدنيا في الدنيا. اسبت على ساعتين مزاكرة في اليوم ما يكفوش. هو انت حضرتك بتزاكروهم ؟ لا والله. يعني انت سابت على ساعتين والله ما ادا سابت على ساعتين ولا اي حاجة. هو - 00:49:53

اول ما جه الدين مشكلة المزاكرة طلعت فجأة يا ابني رتب وقتك اعمل لنفسك حاجة سابتة مستمرة في الدراسة وهتلaci رينا فاتح عليك. الحاجة دي ورد سابت يومي مسلا تلات ساعات يوميا مزاكرة. يا سلام من الفجر لحد معاد الكلية. بس - 00:50:13  
انت اسبت عليهم. القضية قضية استمرار. انما في طالب يجي لك اول يوم في الدراسة. انا اذاكر كل يوم كنا نعملها زمان. هذاكر مية وخمسين صفحة في اليوم. تاخذ اول - 00:50:28

في يوم مية وخمسين صفحة. تاني يوم خمسين صفحة. تالت يوم صفر. رابع يوم صفر بس صفر ايه! يا ريت وصفر عادي صفر بايه؟  
بايه؟ ايوة ايوة واحد سلفي اصيل اهو باحباط. تفضل قاعد شهر محبط انا مش عارف اذاكر. يا ابني ما هو انت - 00:50:38  
يا مية وخمسين صفحة في اليوم يا مش عارف اذاكر! ما هو انت اصلا لو عايز تذاكر كمية كبيرة انت مش هتطيق اصلا! انت دايما تلaci الاولى ينزلوا يلعموا كورة ويروحوا - 00:50:58

يشوف حالته ليه! هو مرتب وقته. هو فاهم ان القضية قضية الاستمرار. القضية مش قضية العنتريات. مش قضية حريقة. حاجة ذاكرت اسبوع وموتت نفسى وبعد كده قمت نايم عليه. حدد ساعتين في اليوم سابتين. حدد آآ تلات تيام في الاسبوع او اربع تيام في الاسبوع سابتين. يبقوا دول ايام ده معسكر مزاكرة. لا مش عايز اقول لك لو حددت يومين - 00:51:08

في الاسبوع معسكر مزاكرة خلاص وباقى الاسبوع عادي انت حياتك فكتة وعادى. بس انت استمر بس. بس انت استمر واجتهد وهتلaci يبقى القضية قضية ترتيب وفقط رينا يسدكم يا اخوانى. آآ ان شاء الله بازن الله من اول المرة الجاية ان ربنا بازن الله هنكمel تاني في موضوع الاسطورة اول كلام عن اصحاب النبي عليه الصلاة والسلام - 00:51:28

اه واه وبازن الله ناخذ كل مرة مسلا مشكلة واحد او اتنين يعني بحس ان احنا ايه نتكلم مع بعض في مشاكل بعض وبنقى ماشيين في الاثنين مع بعض بازن الله سبحانه وتعالى. آآ يعني الاخوة اللي عندها مشاكل بقى مين ياخد المصحف - 00:51:48  
ويقرأ ربع في اليوم مش احنا بنقول الاستمرار؟ هو اللي بيقرأ ربع في اليوم ده حاجة قليلة! ده بطل. والله العظيم بطل. والله يا دكتور احمد شعار الحاجة البسيطة وسيبهم بالاستمرار. اللي بيقرأ ربع في اليوم ده بطل. شف هيبدأوا يرفعوا ايديهم خدهم. طب مين ياخد صفات رابحة الله - 00:52:07

فترة بقوا يقرأوا خالد ابو شادي قال صديقنا. مين ياخد المصحف ده ويقرأ ربع في اليوم؟ ربع بقلب كده خد هات مصحف كمان مين ياخد المصحف ده ويقرأ ربع في اليوم؟ ربع في اليوم ما شاء الله. يا اخي والله السهولة جميلة يا اخي - 00:52:27  
تحس ان ان اللي بيمد ايده كده مدي وهو بيضحك وفرحان كده. حاسس ان هي يعني مهمة واقعية. يعني مش آآ عنترات. ليلي ما بين الجنة والنار. الله! اخده انا ليلي انت بتحب - 00:52:48

يرفع ايده بقى ليلة بين الجنة والنار. ليلة مش ليلة. لا ليلي اه ليلي الاخت ليلي هو هو يا رب احب ليلي وادخل النار ولا ما احبش ليلي وادخل الجنة؟ اعمل ايه بس؟ ليلة بين الجنة والنار من اجمل كتب الشيخ خالد ابو شادي. طيب حبيبنا - 00:53:05  
التيشيرت الاحمر مين ياخد المصحف ده يا رجاله ربع في اليوم. ربع طيب خلاص خدت حضرتك سباق نحو الجنان كيف تجعل قلبك اسرع القلوب؟ الله جميل قوي يا اخوانا الكتاب ده - 00:53:25

سباق نحو الجنان ها مين ياخده؟ تاخده؟ هتقراه انت عارف تمنه الاول؟ هتقراه. انا كنا بنقول قبل كده. مين ياخد المصحف ده التصويب بتاعنا يا اخي. ادي له حاجة بقى. ربع ولا ايه؟ ربع ماشي. المهم الاستمرار. اقر ربع - 00:53:43  
هييجي رمضان ان شاء الله هيخلية حزب. هييجي عشر زي الحجة. رحلة البحث عن اليقين. برضه من الكتب الطيبة جدا اليقين بصدق

القرآن اليقين جميل الكتاب ده. ومعناه شامل في اليقين البحث عن اليقين - 00:54:04

جنتان عيش جنة الدنيا قبل جنة الآخرة. خالد ابو شادي برضو. اللهم بارك ما هو نازل القعدة هنا ما بتترفعش ايديها اصلا. دكتور احمد رمضان مش هاقدر خد يا حبيبنا يلا. ربنا يبارك فيك - 00:54:20

شفوف يا شيخ فارس ساكت طول يعني وجت على استئناف شف جبت حاجة للأطفال أصل الحاجات دي طيب خد الاول وده الدكتور ابراهيم طبعا الله اوشه هاتي بوسة. بوسة باكو فلوس باكونين فلوس ما فيش في المبادىء. بسم الله الرحمن الرحيم. عندنا اطفال - 00:54:40

من هنا؟ ايه دكتور احمد سعدة؟ عايزة فلوس ولا ايه؟ ابو عبيدة اه ما شاء الله. طيب خد طفلين ورا اهتمت مين ياخذ ده يا جماعة؟ ويروح يجاهد في فلسطين؟ مين ياخذ ده ويدي له نصه بعد - 00:55:20

هو النهاردة ايه النهاردة الجمعة يصوم اتنين وخميس بس لا انت بتصوم زين الخميس انت اتنين وخميس! انت مش معنى في تحفيظ القرآن! طيب ما انت انت كيف بتتسحر معنا! احنا عايزةين - 00:55:42

حد ما بيصومش. اول مرة كده ناخذ سواب كده ان هو ايه يدخل العبادة كده. آآ ضمير يا جماعة. طيب خلاص اخر كلام هو الركن ده كده واكل اللي واكل الحاجة كلها. آآ قبل ما ابص فيه حد هنا يراجع نفسه. اتنين وخميس. طب الرجل اللي عند الباب ده اهو - 00:55:56

المفروض يا جماعة الباكون ده يتأسف انا مش عارف اعمل ايه ده انت جاي له انا بقول ندعوي يوم الجمعة فيه ساعة اجابة الله اعلم هي امتنى؟ يعني يا جماعة بلاش قلبنا يتعلق بالدنيا بالمنزد ده - 00:56:16

طيب بتقتربه ده مقابل ايه مين ياخذ ده ويؤثر؟ ما اقدرش اقول ليه اوعى تفهمني صح استاذ فؤاد يا جماعة. طيب تاخدوا تقسموه على الأطفال مقابل ايه صلوا على النبي صلوا على النبي خليهم يقولوا زكر معين كده. تقدع النهاردة قبل المغرب نص ساعة تدعى ربنا - 00:56:36

نجيب كتيب الدعاء للقططاني كده او اي كتيب دعاء وتقدع تدعى لربنا نص ساعة من المغرب. هو المستحق ايه يا دكتور؟ كده لاخوانك. لأن ما هو كله المستفاد. اه بتدعى لي طبعا - 00:57:06

خلاص؟ اختار يا اما نص ساعة قبل صلاة الجمعة تنزل المسجد بدري. نبص على صلاة الجمعة تقدع تصلي على الرسول عليه الصلاة والسلام. الله يبارك فيك فالوالانية تقدع تصلي على الرسول عليه الصلاة والسلام. طب مين يا جماعة قبل طب خد يا استاز وقف. خلاص كده خلصنا اللهم تب علينا توبة ترضى بها عنا - 00:57:16

يا رب اللهم فرج كربنا. اللهم فرج كربنا. اللهم انا نحتاج اليك. اللهم انا عندنا كربات لا مفرج لكربنا الا انت. لا كاشف لغمна وهمنا الا انت. اللهم افرج عنا. اللهم افرج عنا. اللهم اجبنا وارفعنا. اللهم اهدنا - 00:57:36

ولا تجعل في قلوبنا اياك ولا تجعل همنا ولا همتنا الا في رضاك. ولا تجعل رغبتنا ولا رهبتنا الا اليك. ولا تجعل توكلنا الا عليك اللهم استعملنا ولا تستبدل بنا. اللهم استعملنا ولا تستبدل بنا يا رب ان حالتنا كما ترى. اللهم انا راغبون اليك فدلنا عليه - 00:57:56  
يا واصل المنقطعين صلنا اليك. اللهم خذ بنواصينا اليك. يا من بيديك النواصي. يا من قلوبنا بين اصابعك اللهم صرف قلوبنا على طاعتك. اللهم ثبت قلوبنا على دينك. اللهم استعملنا لنصرة دينك. اللهم اهدنا - 00:58:16

بنا واجعلنا سببا لمن اهتدى. اللهم انا نريد ان نصل اليك فاعنا ويسر لنا وارزقنا من يعيننا. وارزقنا من يرشدنا وارزقنا من يأخذ بآيديننا. واجبرنا ببعضنا. اللهم الحقنا بالصالحين. اللهم ارزقنا الصحبة الصالحة - 00:58:36

تعيننا بها على الوصول اليك. اللهم اهدنا اليك صراطا مستقيما. اهدنا الصراط المستقيم. اهدنا الصراط المستقيم اهدنا الصراط المستقيم برحمتك يا ارحم الراحمين. سبحانه الله وبحمدك اشهد ان لا اله الا انت. استغفرك واتوب اليك - 00:58:56